

Laglagipem a mabalin nga agbaliw dagiti Medicare plan iti kada tawen

Dagiti importante a petsa iti Medicare

Septiembre & Oktobre—Panangrebiu & panangikompara

Panangrebiu: Mabalin nga agbaliw ti plan-mo. Irebiu ti aniaman a notice manipud iti plan-mo maipapan iti panagbalbaliw iti sumaruno a tawen.

Ikompara: Bistaem ti Medicare.gov/plan-compare tapno makitam ken mapagkokomparam dagiti plan a maibagay iti kasapulam.

Oktobre 15—Mangrugi ti Panagenrol

Maminsan laeng daytoy iti kada tawen. Tiempo daytoy ti asinoman nga addaan iti Medicare a mangaramid iti panagbalbaliw iti plan-na mainaig iti salun-at ken agas para iti sumaruno a tawen.

Agdesision: Ti Oktobre 15 ti umuna nga aldaw a mabalinmo a balbaliwan ti coverage ti Medicare-mo para iti sumaruno a tawen.

Disiembre 7—Agpatingga ti Panagenrol

Iti kaaduan a gundaway, ti Disiembre 7 ti maudi nga aldaw a mabalinmo a balbaliwan ti coverage ti Medicare-mo para iti sumaruno a tawen. Masapul nga alaen ti plan ti porma ti panagenrolmo saan a naladladaw ngem Disiembre 7.

Enero 1—Mangrugi ti coverage

Mangrugi ti baro a coverage iti Enero 1 no binaliwam ti plan-mo. No nagtultuloyka iti dati a plan-mo, aniaman a panagbalbaliw iti coverage, benepisio, wenno bayadam para iti baro a tawen ket mangrugi iti Enero 1.

Panagbalbaliw iti coverage kalpasan ti Enero 1

Iti nagbaetan ti Enero 1–Marso 31, no addaka iti Medicare Advantage Plan, mabalinmo a suktan ti plan-mo iti sabali a Medicare Advantage Plan nga addaan wenno awanan iti coverage iti agas, wenno suktan iti Orihinal a Medicare. No suktam iti Original Medicare, mabalinmo met a pilien ti makiraman iti Medicare nga addaan iti plan para iti agas. Mangrugi ti coverage-mo iti umuna nga aldaw ti bulan kalpasan a maawat ti plan ti porma ti panagenrolmo. Iti dadduma a gundaway, mabalinmo ti mangaramid iti panagbalbaliw no la ket kualipikadoka para iti Special Enrollment Period.

Medicare.gov

1-800-MEDICARE

(1-800-633-4227)

TTY: 1-877-486-2048

Adda kalintegam a maaddaan iti impormasion maipapan iti Medicare babaen dagiti pormat kas iti large print, braille, wenno audio. Adda met kalintegam nga agipila iti reklamo no panagkunam ken saan a patas ti pannakatratom. Para iti ad-adu pay nga impormasion, bisitaem ti Medicare.gov/about-us/accessibility-nondiscrimination-notice, wenno tumawag iti 1-800-MEDICARE (1-800-633-4227). Dagiti agus-usar iti TTY ket mabalinda ti tumawag iti 1-877-486-2048.

Naaramid daytoy a produkto babaen ti U.S. taxpayer expense.

CENTERS FOR MEDICARE & MEDICAID SERVICES

CMS Num. ti Produkto 11220
Rebisado Agosto 2022



Naaramidmo kadin ti

Tinawen a Panangrebiu iti Medicare Plan-mo?

Panagenrol iti Medicare

Oktobre 15–Disiembre 7



Napimpintasen ti Medicare ta ad-adun dagiti pagpilian, nababbabba dagiti bayadan, ken nalaklakan a maammuan dagiti impormasion a kasapulan.

Iti tunggal tawen, adda dagiti baro a pagpilian a plan iti salun-at ken coverage iti agas. Iti kada fall, irebiu ti agdama a coverage iti salun-at ken agasmo, ken siguraduem a maibagay pay laeng ti plan-mo para kenka.

Aprobetsarem dagiti benepisio a kas iti panagpakonsulta tapno maammuan no adda kansermo ken dagiti tinawen a panagpakita iti doktor tapno makita a "Nasayaat ti salun-atmo." I-download-mo ti libre a "What's Covered" mobile app manipud iti App Store wenno Google Play tapno makitam dagiti detalye ti coverage ti Medicare iti mobile device-mo.



Maibagay kadi daytoy plan-ko para kaniak?

No bisitaem ti [Medicare.gov/plan-compare](https://www.medicare.gov/plan-compare), nalaklakam a pagkokomparaen dagiti coverage dagiti plan ken alalistoka a makaala kadagiti plan. Mabalina a makaalaka iti plan iti ayanmo nga estado a:

- ✓ Nalaklaka ti bayadna.
- ✓ Karaman iti coverage dagiti naireseta nga agasmo.
- ✓ Palubosannaka a mapan kadagiti provider a kayatmo, kas iti doktormo wenno iti paggatgatangam a parmasia.
- ✓ Mangted iti kanayonan a benepisio a saan a karaman iti Orihinal a Medicare, kas iti para iti mata, lapayag, dental, ken dadduma pay.

Maammuan pay ti:

- ✓ Tantia ti gatad a masapul a bayadam a mismo.
- ✓ Rating maipapan iti kalidad ken serbisio iti kostumer manipud kadagiti miembro ti plan.

No kayatmo a baliwan ti plan-mo, tumawagka iti plan a kayatmo a pakaimembroan. Matulongannaka met ti Medicare a makimiembro—babaen ti online, personal, wenno iti telepono. **No kontentoka iti agdama a coverage-mo ken panagkunam ket maipaayna dagiti kasapulam para iti sumaruno a tawen, awan ti masapul nga aramidem.**

Laglagipem a bayat ti Panagenrol iti Medicare, adda kenka no agtultuloyka iti Orihinal a Medicare wenno makimiembroka iti Medicare Advantage Plan. No addakan iti Medicare Advantage Plan, mabalina nga usaren ti tiempo ti panag-enrol tapno makasublika iti Orihinal a Medicare.

4 a pamayan ti panagpatulong:

1. Bisitaem ti [Medicare.gov/plan-compare](https://www.medicare.gov/plan-compare) tapno maammuan ken mapagkokomparam dagiti coverage ken makaalaka iti plan iti salun-at ken agas.
2. Kitaem ti kabaruan a handbook-mo a "Ti Medicare ken Sika" tapno makitam dagiti listaan ti plan iti lugaryo. Irebiu ti aniaman nga impormasion manipud iti agdama a plan-mo, agraman ti surat nga "Tinawen a Pakaammo iti Panagbalbaliw."
3. Tumawag iti 1-800-MEDICARE (1-800-633-4227). Dagiti agus-usar iti TTY ket mabalinda ti tumawag iti 1-877-486-2048. No kasapulam ti tulong iti lengguahe a saan nga English wenno Spanish, ipakaammom iti customer service representative no ania a lengguahe dayta.
4. Tumawagka iti State Health Insurance Assistance Program (SHIP) iti lugaryo tapno makaalaka iti libre a personal a panagpabalakad maipapan iti insurance iti salun-at. Bisitaem ti [shiphelp.org](https://www.shiphelp.org), wenno tumawag iti 1-800-MEDICARE tapno maalam ti numero ti teleponoda iti ayanmo nga estado.

Pagpatulongak maipapan iti panagbayad para iti Medicare-ko?

No kasapulam ti tulong iti panagbayad iti Medicare premium-mo ken dadduma pay a gastos, bisitaem ti [Medicare.gov](https://www.medicare.gov) tapno maammuan ti maipapan kadagiti Medicare Savings Program ken dadduma pay a program a makatulong kenka a makainut iti kuarta.

No bassit ti income ken resources-mo, mabalina a kualipikadoka iti Ekstra a Tulong tapno mabayadam dagiti naireseta nga agas a karaman iti Medicare-mo. Bisitaem ti [ssa.gov/i1020](https://www.ssa.gov/i1020) tapno makaaplayka online. Mabalina met ti tumawag iti Social Security iti 1-800-772-1213. Dagiti agus-usar iti TTY ket mabalinda ti tumawag iti 1-800-325-0778.